

Փաստ. անվանումը	ԵՄՀ Յունիթների հրատարակման կարգ
Փաստ. N	ԵՄՀ/ԸԿ-ԿԳ-25-01
Հաստատման ամսաթիվը	12/12/2014
Արձանագրության N	
Հաստատող մարմինը	Գիտական խորհուրդ
Հաստատող	Սուրեն Օհանյան/նախագահ

Փաստաթղթի փոփոխությունները

Ամսաթիվ	Կատարված փոփոխություն	Անուն, ազգանուն, պաշտոն, Ստորագրություն

ԿԱՐԳ

ԵՄՇ ՅՈՒՆԻԹՆԵՐԻ ՀՐԱՏԱՐԱԿՄԱՆ

1. ԵՄՇ ամբիոնի վարիչները քննարկումներ են կազմակերպում ԵՄՇ դասախոսների հետ յունիթների հրատարակման շուրջ մտազրոյս իրականացնելու նպատակով:
2. ԵՄՇ ամբիոնի վարիչներն ապահովում են ռեկտորատի նիստում դասախոսների ներկայացուցչականությունը ներկայացնելով նրանց առաջարկներն ու մոտեցումները՝ կապված յունիթների հրատարակման և վերահրատարակման հետ:
3. ԵՄՇ յունիթների հրատարակման և վերահրատարակման մասին որոշումներն ընդունվում են ռեկտորատի նիստում:
4. Ռեկտորատի նիստի որոշումների հիման վրա յունիթներին վերաբերող հիմնադրույթները քննարկվում են ամբիոնի վարիչների և ամբիոնի դասախոսների կողմից՝ յունիթների հրատարակման և վերահրատարակման գործընթացը մեկնարկելու նպատակով:
5. ԵՄՇ յունիթների հիման վրա ստեղծվում են էլեկտրոնային դասընթացներ, որոնք վարելու համար դասախոսը ԵՄՇ նախաձեռնությամբ և պատվերով վճարվում է ինչպես դասընթացը մշակելու, այնպես էլ վարելու համար:
6. Դասախոսին վճարելու պարագայում նրա հետ կնքվում է հեղինակային իրավունքի պահպանման պայմանագիր, ըստ որի մշակված դասընթացի հեղինակ դասախոսը իր կողմից տրամադրած նյութը ճանաչում է որպես համալսարանի սեփականություն և կանխարգելում վերջինիս օգտագործումը այլ բուհերում, կամ համալսարանի կողմից չնախատեսված կրթական ծրագրերում:
7. Հրատարակվելիք յունիթի ծավալը քննարկվում է նախապես (ըստ վերջինիս միջոցով տրվող կրեդիտների քանակի, դասավանդվող առարկայի բնույթի), հաստատվում է այն ժամաքանակը, որը դասախոսը պլանավորում է ծախսել մշակման ընթացքում և վճարումը կատարվում է այն դրույքաչափով, որով տվյալ պահին դասախոսը դասավանդում է համալսարանում (օր. 1500 ՀՀ դրամ 40 րոպե դասաժամի համար, եթե դասախոսը գիտության թեկնածու է):

8. Եթե ԵՄՀ համար յունիթ է ստեղծում համալսարանում չդասավանդող փորձագետ, դասախոսը վճարվում է համալսարանում գործող տարակարգերին և դրույքաչափերին համապատասխան:
9. ԵՄՀ յունիթները հրատակվում են բացառապես յունիթներին ներկայացվող բոլոր չափանիշներին բավարարելու, համալսարանի կողմից ընտրված գրախոսի կողմից դրական կարծիքի տրամադրման պարագայում:
10. Յունիթի հրատարակման մասին որոշումը կայացվում է ըստ հետևյալ ընդհանուր գնահատման չափանիշների. յունիթում

- ներկայացված է դասընթացի արդիականությունն ու անհրաժեշտությունը
- ներկայացված են դասընթացի վերաբերյալ համառոտ, հասկանալի և կոնկրետ տեղեկություններ,
- ներկայացված նյութն ուշագրավ է և ուսանողին կտարամադրի դասավանդվող առարկան առավել մեծ հետաքրքրությամբ բացահայտելուն,
- հստակ ներկայացված են դասընթացի ընդհանուր նպատակները,
- ներկայացված է դասավանդողի փորձառության վերաբերյալ տեղեկատվություն:

11. Յունիթի հրատարակման մասին որոշումը կայացվում է ըստ վերջինիս շրջանակներում առկա ուսումնառության վերջնարդյունքների, որոնք գնահատվում են ըստ հետևյալ չափանիշների. յունիթում

1. հստակ նշված է, թե դասընթացի ամբողջական յուրացման արդյունքում ուսանողը ինչ կիմանա, կհասկանա և կկարողանա,
2. ներկայացված ուսումնառության վերջնարդյունքները չափելի են, կոնկրետ և իրատեսական՝ ձեռք բերվելու համար դասընթացի ներկայացված ժամաքանակի և ծրագրի շրջանակներում,
3. վերջնարդյունքները բխում են ԵՄՀ որակավորումների շրջանակից,
4. վերջնարդյունքները բխում են ԵՄՀ տվյալ մասնագիտության համար մշակված որակավորումների շրջանակից:

12. Յունիթի հրատարակման մասին որոշումը կայացվում է ըստ վերջինիս բուն բովանդակության գնահատման հետևյալ չափանիշների. յունիթում

- հստակ տարանջատված են գլուխներն ու ենթագլուխները,
- ներկայացված նյութը համապատասխանում է վերջինիս միջոցով տրամադրվող դասընթացի նպատակներին և նշված վերջնարդյունքներին,

- ներկայացված տեսական նյութը հիմնավորված է գործնական հետաքրքիր օրինակներով,
- յուրաքանչյուր գլխի վերջում ներկայացված է գործնական աշխատանք/ներ, հանձնարարություն (խրախուսվում է կոնկրետ դեպքերի, օրինակների ներառումը),
- հնարավորության դեպքում տեսական նյութը միջազգային փորձից զատ, հիմնավորված է նաև հայկական ընկերությունների օրինակներով,
- առաջադրանքները հետաքրքիր են, ուշագրավ, ուսանողների հետաքրասիրությունն արթնացնող,
- ներկայացված են գրականության ցանկը, օժանդակ նյութերի աղբյուրները,
- բովանդակության մեջ արտահայտված են նաև միջառարկայական կապերը,
- պահպանված են հեղինակային իրավունքները:

13. Յունիթի հրատարակման մասին որոշումը կայացվում է ըստ վերջինիս մեջ ներկայացված օգտագործված գրականության ցանկի և հղումների գնահատման հետևյալ չափանիշների. յունիթում

- օգտագործված գրականության ցանկը արդիական է, նյութը համապատասխանում է ժամանակի պահանջներին
- օգտագործված են ոչ միայն հայ հեղինակների աշխատանքները, այլ նաև օտարերկրյա, ուսումնասիրված է միջազգային փորձը,
- հղում է կատարված օգտագործված ինտերնետային կայքերին,
- օգտագործված աղբյուրներն ունեն գիտական հուսալիություն:

14. Յունիթի հրատարակման մասին որոշումը կայացվում է ըստ վերջինիս մեջ ներկայացված գրաֆիկական պատկերների, նկարների, սխեմաների գնահատման հետևյալ չափանիշների. յունիթում

- ներկայացված պատկերները, նկարները, սխեմաները հստակ են, ուշագրավ և մատուցում են արդի ու անհրաժեշտ տեղեկատվություն,
- խախտված չեն հեղինակային իրավունքները. եթե պատկերները, նկարները, սխեմաները վերցված են որևէ աղբյուրից, կատարված է համապատասխան հղում:

15. Յունիթի հրատարակման մասին որոշումը կայացվում է ըստ վերջինիս մեջ ներկայացված ուսանողի ինքնաստուգման հարցերի գնահատման հետևյալ չափանիշների.

- յուրաքանչյուր գլխի վերջում ներկայացված է ինքնաստուգման թեստային նվազագույնը 10 հարց (բազմակի ընտրությամբ, փակ հարցեր),

- յուրաքանչյուր գլխի վերջում ներկայացված է ինքնաստուգման նվազագույնը 5 բաց հարց, որոնք ունեն նյութում ներկայացված հստակ պատասխաններ,
- յուրաքանչյուր գլխի վերջում ներկայացված է նվազագույնը 4 մտորման բաց հարց, որոնք չունեն հստակ պատասխաններ և պահանջում են ուսանողի ստեղծագործական, վերլուծական մտածողությունը,
- յուրաքանչյուր գլխի վերջում ներկայացված է նվազագույնը դեբատի/քննարկման 4 թեմա, որը դասախոսը կարող է օգտագործել լսարանային քննարկումներ, կամ դեբատներ կազմակերպելու նպատակով:

16. Յունիթի հրատարակման մասին որոշումը կայացվում է, եթե այն համապատասխանում է հետևյալ տեխնիկական պահանջներին.

- գրված է Unicode որևէ տառատեսակով
- գրված է 12 տառաչափով
- տողերի հեռավորությունը՝ 1: